

նէս վարդապետ Հասանմանուրցի՝ խոստովանահայր արանց, և զԺողովն Տնօրէն, և ըստ այնմ՝ սկսան կառավարել զԱթոռն։ Վէճն որ ծագեցաւ 'ի մէջ միաբանաց և ազգայնոց Կոստանդինուպօլսոյ՝ յայտնի է ամենեցուն։ զի միաբանք կամէին պահել զաւանդութիւնս Աթոռոյն, իսկ ազգայինք կամէին զմի ոմն յեպիսկոպոսաց արտաքոյ միաբանութեան կարգել յԱթոռ Պատրիարքութեան։ աստի սկսաւ և վէճն և երկարեցաւ խռովութիւնն։ Տէր Յովհաննէս քահանայ Հիւնքեար Պէյենտեան եկն յերուսաղէմ վասն այսր խնդրոյ՝ այլ չչահեալ ինչ դարձաւ յետս։ Եւ զի միաբանք կամէին ընտրել զՍահակ վարդապետ Բարեղցի, Փոխանորդ 'ի Կոստանդինուպօլիս, ուստի հարկ եղեւ նմա զնալ յեջմիածին և ձեռնադրիլ յեպիսկոպոս, եւ 'ի վերջին ընտրութեան նա չահեցաւ 'ի միաբանաց զառաւել քուեայս, բայց ձախորդութիւն և անյաջողութիւն գործոյն երկարեաց զխնդիրն։

Ի ամին ժամանակի նախկին Պատրիարք Կոստանդինուպօլսոյ Յակոբ Եպիսկոպոս՝ այր ալեւոր և ծերացեալ, եկն յերուսաղէմ 'ի պատճառս ուխտի, ընդ իւր ունելով ըզ-Յովհաննէս վարդապետ Սէթեան։ որ եւ 'ի հասանելն 'ի Յոպպէ՝ հանին զնա պատուով 'ի նաւէ, և յարդանօք ընկալան 'ի վանս։ եկեալ էին և յերուսաղէմէ վարդապետք 'ի յարգանս և յողջոյն նորին, զոր առեալ տարան փառօք 'ի քաղաքն Սուրբ եւ պատրաստեցին նմա արժանաւոր տեղի 'ի վանս, և զկնի աւուրց ինչ զիպուածով վախճանեցաւ և թաղեցաւ 'ի վանս Ս. Փրկչի (1862. Նոյեմբեր 6)։

Մարաշցի Մեսրոպը Եպիսկոպոս միաբան Սոյ և երբեմն Առաջնորդ Անտիօքայ եւ Անթիպի միաբանեցաւ 'ի վանս յաւուրս Յովհաննու Պատրիարքի, և սա միայն էր Եպիսկոպոս յաւուրս յայտնի և ինքն կատարէր զեկեղեցական պաշտօնս և զհանդէսս 'ի Ս. Տեղիս, և սա եւս վախճանեցաւ (1863. Մարտ 14)։

Իսկ 'ի գումարման վերջին անգամ միաբանակամ ընդհանուր ժողովոյ սակս ընտրութեան Պատրիարքի Ս. Աթոռոյն, զկնի քուէարկութեան ազգային սահմանադրութեան օրինօք, արդիւնք քուէից հանրական գրով առաքեցաւ 'ի Կոստանդինուպօլիս, և անդ յազգային ժողովի ընտր-